

Jasmina Bišćević Tokić
Zastupnica u Skupštini Kantona Sarajevo

Bosna i Hercegovina
Federacija Bosne i Hercegovine
Kanton Sarajevo
Skupština Kantona Sarajevo
n/r predsjedavajući Skupštine Kantona Sarajevo

Uputiti: Vladi Kantona Sarajevo i Ministarstvu za nauku, visoko obrazovanje i mlade Kantona Sarajevo

PREDMET: INICIJATIVA

Poštovani,

Na osnovu člana 106. Poslovnika Skupštine Kantona Sarajevo ("Službene novine Kantona Sarajevo", broj: 41/12, 15/13, 47/13, 47/15, 48/16), upućujem inicijativu Vladi Kantona Sarajevo i Ministarstvu za nauku, visoko obrazovanje i mlade Kantona Sarajevo za donošenje zaključka kojim će finansirati studij studentima iz Budžeta KS koji prvi put upisuju prvu godinu prvog ciklusa na Pedagoškom fakultetu u Sarajevu, smjer „Rehabilitacija i edukacija“.

OBRAZLOŽENJE

Broj djece u KS, koji trebaju stručnu pomoć iz godine u godinu raste. Činjenično stanje je da imamo nedovoljan broj stručnog osoblja: logopeda, psihologa, edukatora, defektologa, te taj deficit kadrova predstavlja veliku prepreku za pružanje stručne pomoći djeci i njihovim porodicama.

Na smjeru „Rehabilitacija i edukacija“ u sklopu Pedagoškog fakultet Univerziteta u Sarajevu, na kojem se studenti osposobljavaju za pružanje stručne pomoć djeci da ih što bolje pripreme za svakodnevne aktivnosti i pomognu u obavljanju istih. Na ovom smjeru, na prvom upisnom roku raspisan je konkurs za 80 studenata (10 redovni studenti-finansiraju se iz Budžet KS + 60 redovni samofinansirajući +10 vanredni studenti) + 4 strani državljani, a svega se prijavilo je 43 studenta.

Raspisan je konkurs za drugi upisni rok za 44 studenta (40 redovni samofinansirajući + 4 vanredna studenta).

S obzirom da je na žalost, malo interesovanje za ovaj smjer a koji je deficitaran u Kantonu Sarajevo, neophodno je privući djecu da upisuju ovaj smjer s obzirom na veliki broj djece kojoj je neophodna pomoć.

Uvođenjem besplatnog obrazovanja na ovom smjeru nadam se da bi došlo do većeg interesovanja za navedeni smjer „Rehabilitacija i edukacija“ i time bi u konačnici došlo i do značajnih pomaka u pomoći djeci koja istu trebaju. Stvaranjem novog adekvatnog kadra pospješila bi se rana intervencija kod djece, uključivanja djece u rani rehabilitacioni tretman, velike pomoći roditeljima koji se susreću sa ovim problemima. Također i pomoć da se u Dom zdravlja u KS, bolnicama, školama, upošljavanjem ovog kadra, reaguje na vrijeme, jer djeca trebaju pomoć u najranijoj dobi svog života.

Slab odziv na ovu vrstu smjerova i fakulteta, iako se radi o deficitarnom kadru moguće je da je uzrokovan i time što na privatnim fakultetima imamo ponude za stipendije, niže školarine i studenti mahom idu na privatne fakultete i zbog nižih školarina i zbog „tog nekog lakšeg načina prolaska na ispitima“.

Zato smatram da je potrebno da se slično inicijativi za besplatno školovanje IT kadrova, uvede i besplatno školovanje u ovom trenutku deficitarne i prijeko potrebne kadrove, koji će u konačnici pomoći našoj djeci i roditeljima da što adekvatnije usvoje sva potrebna znanja od najranijih doba do kraja školovanja.

Trenutni način i pravila studiranja sa pratećim plaćanjima istog, mogu reći da su diskriminatorna jer „Pravo na obrazovanje je jedno od osnovnih prava koje nije dostupno svima“, zbog činjenica koje sam navela.

Zbog toga smatram da je potrebno da Vlada Kantona Sarajevo i Ministarstvu za nauku, visoko obrazovanje i mlade Kantona Sarajevo donose zaključak kojim će finansirati studij studentima koji prvi put upisuju prvu godinu prvog ciklusa na Pedagoškom fakultetu u Sarajevu, smjer „Rehabilitacija i edukacija“ iz Budžeta KS i time pospješiti i omogućiti obrazovanje u većem broju, potrebnog kadra, koji je prijeko potreban za daljnji razvoj naše djece, njihovih roditelja i našeg društva.

S poštovanjem,

Jasmina Bišćević Tokić, Zastupnica u Skupštini Kantona Sarajevo